

禹貢匯疏

禹貢滙疏卷二

吳興茅瑞徵纂并箋

男

胤京胤武

濟河惟兗州

濟漢書作涉兗史記作沔兗卽兗字釋名曰兗州取兗水以爲名

傳東南據濟西北距河

疏據謂跨之距至也濟

河之間相去路近兗州之境跨濟而過東南越濟

水西北至東河也李巡曰濟河間其氣專質厥性

信謙故云兗充信也周禮職方氏河東曰兗州

其山鎮曰岱山其澤藪曰大野

漢書作泰壑

其川河沛

其浸盧灘其利蒲魚其民二男三女其畜宜六擾

馬牛羊豕
禾大雞

其穀宜四種

黍稷稻麥

杜佑曰充之爲言端

也信也其在天文營室東壁則衛之分野兼得魏
宋齊趙之交秦置爲東郡碭郡之東北境齊郡之
北境鉅鹿上谷二郡之東境漢地理志今東郡
及魏郡黎陽河內之野王朝歌皆衛分也衛爲狄
滅徙封楚丘成公徙於帝丘今之濮陽本顓頊之
虛故謂之帝丘秦滅濮陽置東郡衛地有桑間濮
上之阻聲色生焉故俗稱鄭衛之音

後漢郡國

志兖州刺史部郡國八陳留東郡東平任城泰山

濟北山陽濟陰 馬端臨口漢時爲郡國九郡則

東魏泰山濟陰平原清河渤海千乘國則東平

漢光武併十三州充治昌邑

今金鄉縣

晉武帝太康元

年平吳分十九州充治廩丘

雷澤縣

唐地理志河

南道古兗州域濮爲大火分充爲降婁分齊棣

沂

州置

爲玄楊分滑爲姬訾分隸河南採訪使 杜佑

曰唐分置十五部兗州爲河南道靈昌

滑

濮城

濮

濟陽

濟

東平

鄆

等郡河北道魏郡

魏

博平

博

平原

德

樂安

棣

景城

滄

清河

貝

等郡

宋京東路則濮

南府

本齊州

分轄京東西路則濮州京西北路則滑

州河北東路則大名

本魏郡

開德

滑州

二府滄博

今東昌府

棣德濱恩六州及永靜軍

即景州

河北西路則濟州

本通利軍

馬端臨曰宋時爲州十四滑濮濟魏博鄆

德棣濱滄貝

即恩州

澶景端拱初以滑州黎陽縣建

通利軍屬河北路

班固配十二次自軫十二度至氐四度爲壽星於

辰在辰鄭之分野屬兗州

費直起軫七度蔡邕起軫六度

陳卓

京房張衡

並

角亢氐鄭兗州

春秋元命苞曰五

星流爲兗州分爲鄭國 春秋緯文耀鉤云兗州
青州屬機星 〔星經〕玉衡第五星主兗州常以五
辰日候之甲辰爲東郡陳留丙辰爲濟北戊辰爲
山陽泰山庚辰爲濟陰壬辰爲東平任城

武夷熊氏曰兗州當河之下流西距河東距濟北
濱海南接徐豫之境 林氏曰自兗而下八州皆
以高山大川定州之疆界所謂奠高山大川也鄭
漁仲謂禹貢以地名州爲萬代地理家成憲 王
氏炎曰周定王五年河徙已非禹之故道漢元光

三年河徙東郡更注渤海繼決瓠子又決魏之館陶遂分爲屯氏河大河在西屯河在東二河相並而行元帝永光中又決清河靈鳴犢口則河分流入于博川屯河始壅塞不通後又決於平原則東入濟入青以達于海而下流遂與漯爲一王莽時河遂行漯川夫河不行於大伾之北而道於相魏之南則山澤在河之瀕者支川與河相貫者悉皆易位而與禹貢不合矣 章俊卿曰黃河舊道三代以前自宋衛州之黎陽縣境折而北流故北京

及河北東路諸州在河之東卽古兗州之域自周定王時舊道湮塞秦漢以還河堤屢壞乘上游之勢決而東下故兗州之域隔在河北而河東之名乃移在并州

箋清濟濁河足以爲固此王公所以設險也然以兩巨浸并一州境水患可望而知已 導山導水各條正所謂隨山刊木奠高山大川者林氏專指濟河惟兗州等句爲奠山川未是 按濟古文作洧說文註此兗州之濟卽洧水也其從水從齊者

自出房子縣贊皇山入泚非四瀆之水然水經注
云二濟同名則泚之訛爲濟舊矣 考一統志古

兗州今山東省東昌府

齊西鄙
聊攝境

兗州府則徐兗二

州城北直隸大名府則冀兗二州域河南省開封

府則兗豫二州域 鄭氏曉曰今山東東昌府濟

南府所屬齊河禹城臨邑長清肥城青城陵縣泰

安州新泰萊蕪德州德平平原武定陽信海豐樂

陵商河濱州利津霑化蒲臺兗州府所屬陽穀東

阿平陰東平汶上壽張直隸大名府所屬元城大

名南樂清豐內黃開州長垣東明魏縣河南開封府所屬延津封丘原武陽武胙城古黃河故道雖在開長之南亦非禹時故道矣其在山東亦如之

考徐州曰東原底平則東平恐應入徐州詩譜曹封域在雷夏菏澤之野則曹縣定陶等地應爲兗
豫二
州城 曹學佺曰郡沿革志禹貢之兗界在濟河

今日畧及海岱故其東南郡邑屬徐州城者十之七八西北郡邑屬兗州城者十之一二蓋宅徐之方而受兗之名然府治實春秋及漢之魯國與秦之薛郡

九河既道

傳河水分爲九道在此州界平原以北是

九河徒駭一太

史二馬頰三覆釜四胡蘇五簡六絜七鉤盤八鬲津九出爾雅李巡曰徒駭禹疏九河以徒衆起故云徒駭太史禹大使徒衆通其水道故曰太史馬頰河勢上廣下狹狀如馬頰也覆釜水中多渚形如覆釜胡蘇其水下流故曰胡蘇胡下也蘇流也簡大也河水深而大也絜言河水多山石治之苦絜絜苦也鉤盤言河水曲如鉤屈折如盤也鬲津河水狹小可鬲以爲津也孫奕曰徒駭禹疏九河用功雖廣衆懼不成故曰徒駭胡蘇水流多散胡蘇然餘同

疏河從大陸東

畔北行而東北入海冀州之東境至河之西畔水分大河東爲九道漢成帝時河隄都尉許商上書

曰古記九河之名有徒駭胡蘇鬲津今見在成平
東光鬲縣界中自鬲津以北至徒駭其間相去二
百餘里是知九河所在徒駭最北鬲津最南蓋徒
駭是河之本道東出分爲六枝徒駭在成平胡蘇
在東光鬲津在鬲縣其餘不復知也爾雅九河之
次從北而南旣知三河之處則其餘六者太史馬
頰覆釜在東光之北成平之南簡潔鉤盤在東光
之南鬲縣之北也其河填塞時有故道鄭玄云周
時齊桓公塞之同爲一河今河間弓高以東至平

原鬲津往往有其遺處春秋緯寶乾圖云移河爲

界在齊呂填闕八流以自廣蓋塞其東流八枝并

使歸於徒駭也

蔡傳九河合簡潔爲一而謂其一爲河之經流王氏推云今南皮縣

明有滌河未聞與簡河爲一朱子孟注仍爾雅

呂祖謙曰禹不惜數百

里地疏爲九河以分其勢善治水者不與水爭地

也新安陳氏曰禹疏九河不過因河之勢自分

而疏通之耳余闕曰多其委使河之大有所瀉

而其力有所分此禹治河之道也自周定王時河

始南徙訖于漢而禹之故道失矣故西京時受患

特甚自瓠子再決流爲屯氏諸河其後河入千乘而德棣之河又播爲八漢人指以爲太史馬頰者大抵偶合于禹迹故訖東都至唐河不爲害者千數百年至宋而河又南決乃由彭城合汴泗東南以入淮古河辨曰河過大陸趨海勢大土平遷徙不常自播爲九禹因而疏之非河獨行經流禹於旁近疏鑿以殺其溢也禹後歷三代至齊桓時千五百餘年矣支流漸絕經流獨行亦理勢如此非齊桓冒曲防之禁故塞九河實九河自爲平陸

可樹藝耳至定王五年河遂南徙砮磧漢世漸決而南元帝永光中決于清河分流入博州後又決于平原乃東入青齊之境遂由漯川與濟並行入海宋紹熙以後乃南連大野并泗入淮金初又改由渦近歲復由泗入淮河濁淮泗俱清清淮勢大可以吞伏故下流無淤塞之患

漢書溝洫志成帝時清河都尉馮遂奏言禹非不愛民力以地形有勢故穿九河今既滅難明屯氏河不流行七十餘年新絕未久可復浚以助大河

泄暴水備非常哀帝初平當使領河隄奏言九河
今皆寘滅按經義治水有決河深川而無隄防雍
塞之文河從魏郡以東北多溢決水迹難以分明
宜博求能浚川疏河者王莽徵能治河者以百數
長水校尉平陵關並言河決率於平原東郡左右
其地形下而土疏惡聞禹治河時本空此地可勿
以爲官亭民室而已御史臨淮韓牧以爲可畧於
禹貢九河處穿之縱不能爲九但爲四五宜有益
大司空掾王橫言河入勃海地高往者天嘗連雨

東北風海水溢西南出浸數百里九河之地已爲

海所漸矣禹之行河水本從西山下東北去

杜佑曰西

山則大行恒山

周譜云定王五年河徙則今所行非禹之

所穿也又秦攻魏決河灌其都決處遂大不可復

補宜卻徙完平處更開空使緣西山足乘高地而

東北入海乃無水災 杜佑曰河自周定王五年

徙流禹之所道漸以湮塞至秦攻魏決河灌其都

則今陳留郡漢武元封三年春河又徙頓丘東南

流入渤海卽今景城郡地其下決於瓠子東南通

于淮瓠子在今濮陽縣西界時丞相田蚡食邑卽
在河北決而南卽卽無水災邑收多入卽卽今平
原郡平原縣也有以知自周及秦至漢其河已在
今魏郡平原之境九河其徒駭鬲津鈞盤胡蘇並
在今景城郡界馬頰覆釜二河並在今平原郡界
其太史簡潔三河未詳又曰古鈞盤河在樂陵縣
東南鬲津河在饒安縣胡蘇河在東光縣並屬滄
州 鄭樵曰按圖志瀛州有成平故城又有徒駭
河永靜軍有東光縣東連滄州有胡蘇亭蓋因河

命者而滄州復有鬲津鉤盤太史河之名鬲縣故
城在德州與滄北境鄭氏云九河齊桓公塞之而
北潰至王莽時亦絕故世謂王莽河今在永靜軍
然每疑禹所道無二河按禹貢文東過洛汭至于
大伾北過降水至于大陸又北播爲九河同爲逆
河入于海又按武帝元封三年春河水徙從頓丘
東南流入渤海是爲朝城之漯河降水東北過濮陽縣別出爲瓠
子河漢武帝時河夾瓠子水注鉅野通于淮泗發
卒塞之又東北過東武陽今大名朝城也而爲漯
河又東北過大名館陶縣別出爲屯氏河又東北
過清河鹽縣別出爲鳴犢河今皆絕矣舊說禹道

河至頓丘分爲二渠一曰漯川出武陽至千乘入
渤海一曰北瀆出貝丘至大陸北播爲九河同爲
逆河入于海然則今河之入海者入渤海爾禹貢所謂

入于海者由碣石之海碣石今在平州北瀆者乃
禹所道之河其後河奔漯川入于渤海故瀆遂絕
九河不復通蓋故瀆在北漯川在東河決而東勢
則然也恐非齊桓公所塞自河決漯川之後北瀆
遂微九河皆絕但王莽河上承北瀆下入逆河爲
一河微通奈北勢高故後亦絕但由漯川爾
傳漢以來講求九河皆似是而非至顯然謬誤者

則班固以滹沱爲徒駭樂史馬頰乃以漢篤馬河
當之鄭氏又以爲齊桓公塞其八流以自廣夫曲
防齊之所禁塞河宜非桓公之所爲也惟程氏以
九河之地已淪於海引碣石爲九河之證謂今滄
州北與平州接境相去五百餘里禹之九河當在
其地後爲海水淪沒上文言夾右碣石則九河入
海之處有碣石在其西北岸今平州正南有山名
碣石尚在海中去岸五百餘里則是古河自今以
爲海處向北斜行始分爲九其河道已淪入於海

明矣 宋太祖下詔曰夏后所載但言導河至海
隨山濬川未聞力制湍流廣營高岸自戰國專利
堙塞故道九河之制遂隳歷代之患弗弭其後著
作佐郎李垂上導河形勝書畧曰兩漢而下言水
利者屢欲求九河故道而疏之今考圖志九河並
在平原而北且河壞澶滑未至平原而上已決矣
則九河奚利哉

〔箋〕此兗州最大之水亦禹最施功處故首及之大
畧禹治水先從河起下則疏九河上則治壺口梁

岐皆是最要着數 九河禹所播爲九者道卽禹
新開之道蓋河只一派自大伾北折而入兗乘高
而來更挾渭洛汾潯而益大兗獨受全河之水而
又地平曠無高山崇岡以爲之限尤易潰齧禹故
不惜數百里之地播爲新河者八并河身而九以
殺其入海之勢今旣順其道所謂禹之治水水之
道耳長江萬里吞納百川以兩岸有山爲限故不
聞潰決惟河自大伾而下行于平地勢旣悍猛而
平地土疏非隄防所能捍禦到此不得不分禹因

其勢之自分而相機疏導使有入海之路此所以
爲行所無事而稱大智也 潘季馴曰九河非禹
所鑿特疏之耳蓋九河乃黃河必經之地勢不能
避故疏之而禹仍令之同爲逆河入于海其意可
想也蓋天地開闢之初卽有百川四瀆原自朝宗
于海高卑上下脉絡貫通不假人力歲久湮淤至
堯時泛濫之極禹不過審其高卑上下之勢去其
壅塞湮淤以復天地之故道耳固未嘗剗掘一河
也 鄭氏曉曰此處河流下趨海潮上壅勢必激

孟須分爲九河在滄州之北平州之南

山東通志云九河在

濟南者五亦無確據

大明一統志曰禹貢九河今新舊志

所載有鬲津枯河自齊河縣經禹城平原德州德

平樂陵東北至海豐入海又有鉤盤枯河自德州

經德平東北至陽信縣又有覆鬴枯河自慶雲經

海豐縣南入海又濟陽縣東北商河縣有馬頰枯

河

或云徒駭在滄州廢清池縣太史在南皮縣治北馬頰在東光縣界胡蘇在慶雲西南簡潔在

南皮城外鉤盤在獻縣東南鬲津在慶雲又在樂陵西二十里考書多不合又鬲津馬頰河一云亞

在德州南及閔范縣志馬頰河在縣北三里自直隸清豐縣過觀城迤邐而東云

直隸

名勝志曰寰宇記云大河故瀆在大名縣東南三里俗名王莽河水經注云故瀆經元城西北至沙丘昔禹播爲九河自此始也大河故瀆北出爲屯氏河漢書溝洫志曰自塞宣房河復北決于館陶分爲屯氏廣深與大河等俗名毛河按卽衛河也發源河北輝縣百泉山自淇門入濬縣界受淇湯諸水又經內黃爲漳水所合東北至縣境又東北注王角潭達臨清下流與滹沱河合至直沽入于海八韓邦彥曰九河故道今永平府撫寧縣西有

碣石山去海三十里遠望穹窿如塚中有石特起如柱在海東南之灣與諸家所載碣石之狀甚合則九河在滄帝間無疑九河止將一河分九派以殺黃河之勢今河身既徙而南則九河平地又何形跡之可求乎河之故道自鞏縣歷懷衛彰順洛真數郡今止長垣開州清豐畧見其迹然亦非禹時故道也王氏樵曰按九河在今滄瀛景德之間或者求于此而不得則以爲淪入于海殊不知河昔北流故分爲九河自周定王五年河道既改

則九河漸湮乃必然之理豈得經流既息而枝流
仍在乎縱非海水淪沒其故迹亦豈可得而復尋
乎太率河底常高今于開封境測其中流冬春深
僅丈餘夏秋亦不過二丈餘水行地上初無長江
之淵深故自古瀕河之地每有異常之水河必驟
盈盈則決每決必瀾漫橫流深者成渠以漸成河
淺者淤澱以漸成岸數年之後下流淤塞則中流
河底又以漸而高而河又不容于不徙矣旣徙之
後則其丈餘深之故槽風填沙塞復爲平陸無足

錄者此九河之故迹所以不可復尋也今慶雲縣
尚有古黃河廣可三里許兩岸隄皆高丈餘居人
歷歷能道之慶雲距滄州百四十里距天津三百
餘里九河非海渾其理明甚 楊慎曰恒山之陽
有巨川曰滹沱班固敘禹貢九河所謂徒駭者也
至宋蔡沈疑之蓋惑於夾右碣石入於河之說遂
以九河淪於海滹沱中高不與大河相涉然所謂
九河者亦猶九川云爾豈謂大河播爲九乎

雷夏旣澤

傳雷夏澤名

疏洪水時高原亦水澤不爲澤今

高地水盡此復爲澤也地理志云雷澤在濟陰城

陽縣西北

按括地志在濮州雷澤縣西北杜佑曰

在縣東南有雷夏澤河圖曰大

迹在雷澤華胥履之而生伏羲

山海經曰雷澤

亦有雷神龍身而人頰鼓其腹則雷

在曹州東北六十里今涸

見山東通志

馬端臨曰舜漁于雷澤卽此地本夏澤

以其有雷神故名古邾伯國

水經瓠子河出東郡濮陽縣北河注瓠河

左運雷澤北陳師道云黃河故道今呼爲沙河

鄭氏大司徒註水鍾曰

澤釋名曰下而有水曰澤言潤澤也風俗通云

傳曰水草交厝名之爲澤澤者言其潤澤萬物以
阜民用也春秋左氏傳曰澤之荒蒲舟鮫守之

濟水經雷夏陂南此濟水所鍾濟治而雷夏始
成其爲澤非復前此之橫溢也直隸名勝志曰

鄆河左逕雷澤北河以形似而名發源魏郡白馬
此其下流也在濮州東南七十里據鄆道元以卽
河水所反入者志云黃河自州治東南三十里合
瓠子河東北流入于會通河王綱振曰雷夏大
野蒗澤孟豬榮皆涉水也或爲所絕或爲所經或

爲所溢然實分二派一派出河入海而會于汶此
兗州雷夏豫州荷澤孟豬之濟也一派從淮入海
而合于泗此徐州大野之濟也

濰沮會同

傳濰沮二水 爾雅云水自河出爲濰濟爲濇

音

楚

水經曰汭水出陰溝于浚儀縣北又東至梁

郡蒙縣爲濰水

陰溝卽浪蕩渠

睢水出梁郡鄆縣

地理志睢水首

受陳留浚儀浪蕩水經言出鄆非矣

又東過睢陽縣南

許慎曰汭

水受陳留浚儀陰溝至蒙爲濰水東入于泗水經

浚水出陰溝東至蒙爲狙獾

音雅

則澠水卽浚水

也澠之下流入于睢水地志睢水出沛國芒縣其

沮水歟水經注曰陳留風俗傳云浚水又東浚

水出焉浚水又東逕雍丘縣故城北西征記云雍

丘縣界浚水又東有故渠出焉南通睢水浚水又

逕外黃縣南浚水又東龍門故瀆出焉瀆舊通睢

水浚水又東逕寧陵縣之沙陽亭北故沙隨國矣

又東逕梁國睢陽縣故城北又曰睢水出陳留縣

西浪蕩渠東北流又東逕雍丘縣故城北又東分

爲兩瀆謂之雙溝東合洛架水口水上受汭水謂之洛架水東南流入于睢水又東逕寧陵縣又東逕睢陽縣故城南又東逕靈壁又東逕睢陵縣故城北又東南流逕下相縣故城南下相是睢水別名也東南流入于泗謂之睢口 王氏炎曰沮出名也東南流入于泗謂之睢口 王氏炎曰沮出名也東南流入于泗謂之睢口

漢陽灘出曹州二水勢均故曰會同 周氏曰會

同朝宗皆諸侯見天子之禮而以爲喻 時見曰會殷見曰同

周禮

陳氏經曰兗畧不及山知多平地河患爲

甚也

○**襄河**濟爲兗州二大水灘沮其支流也二水并治而兗境無復水患矣孔傳謂灘沮會同于雷澤大

誤

鄭氏曉曰沱潛灘沮乃江漢河濟

支流

兗多灘

豫多沮梁多沱荆多潛

韓邦奇曰今考汭水乃

河之別流在豫州者浚儀陰溝在河南祥符縣蒙

在陰溝之東汭流至此名爲灘卽曹縣之黃水東

歷徐州境入泗水出兗州府泗水縣陪尾山歷濟

寧徐州至邳州宿遷縣入淮古時汭泗皆在河之

東南故灘入泗今河徙而南灘在河西泗在河東

灘爲河截斷今入河矣睢水一在開封府陳留縣
經睢州寧陵縣一在夏邑縣經永城縣至南直隸
宿州皆流入泗今一入河一入淮二水皆豫徐之
水去兗尚遠經所謂灘沮會同灘乃河之別流出
于兗州者正如沱潛二水或出荊或出梁也河旣
徙而南則灘爲平地矣山東濟南府固有濟之別
流小清河是也則別是一灘沮也汲音汴非汴水
今章丘縣有漯水入小清河亦河之別流與灘異
稱者或稱漯或稱灘一水也此其兗之灘沮會同

縣兗州府志云雒河在曹州南二十五里

直隸名勝志曰水經云

睢水東逕睢陽縣南汴水從北來注之寰宇記云

睢水在縣南汴水在縣北梁孝王廣睢陽城七十

里開汴河後汴水始經城南積而爲逢洪澤

水經注作

逢洪
波

桑土旣蠶是降丘宅上

傳地高曰丘大水去民下丘居平土就桑蠶

疏

降丘宅土與旣蠶連文鄭玄云此州寡山而夾於
兩大流之間遭洪水其民尤困水害旣除於是下

丘居土以其免於厄尤喜故記之

詩譜邱鄰衛

紂畿內地其封域在禹貢冀州大行之東北踰衡

漳東及兗州桑土之野孔穎達曰今濮水之上地

有桑間者杜預注帝丘云今東郡濮陽縣也濮陽

在濮水之北是有桑土矣

郡縣志濮水在曹州南桑間濮上實唯桑土見

山東通志

禮記桑于公桑風戾以食之鄭氏註及早

涼採風戾之使露氣燥乃以食蠶蠶性惡溼爾

雅蠶

音象

桑繭郭璞註食桑葉作繭者卽今蠶

淮南子云

蠶食而不飲

淮南王蠶經云黃帝元妃西陵氏始蠶

皇圖要紀云伏蟄化蠶爲絲羅必路史
云黃帝命西陵氏勸蠶稼親蠶始此

鄭玄曰

蠶爲龍精月值大火則浴其種

嵇康曰大火十八日寒蠶三十日

荀卿賦云此夫身女好而頭馬首者與有父母
而無牝牡者與冬伏而夏游食桑而吐絲喜溼而
惡雨蛹以爲母蛾以爲父三俯三起事乃大已矣
是之謂蠶理 秦觀蠶書曰考之禹貢揚紫幽雍
不貢繭物充筐織文徐筐玄織縞荆筐玄纁璣組
豫筐織續青筐厭絲皆繭物也而桑土旣蠶獨言
於充然則九州蠶事充爲最予游濟河之間見一

婦不蠶比屋詈之故知堯人可爲蠶師也 史記

曰齊魯千畝桑其人與千戶侯等 王盤農書曰

桑種甚多世所名者荆與魯也荆桑多樞魯桑少
樞葉薄而尖其邊有辨者荆桑也凡枝幹條葉堅
勁者皆荆之類也桑圓厚而多津者魯桑也凡枝
幹條葉豐腴者皆魯之類也荆之類根固而心實
能久遠宜爲樹魯之類根不固心不實不能久遠
宜爲地桑然荆之條桑不如魯葉之盛茂當以魯
桑條接之則能久遠而又盛茂也魯桑宜飼大蠶

荆桑宜飼小蠶 王氏炎曰今德博河間產絲最多漢志稱齊人織作冰紈綉綺號爲冠帶衣履天下其地宜桑可知識之者農桑衣食之本故也

應劭曰堯遭洪水萬民皆山棲巢居以避其害禹決江疏河民乃下丘營度爽塏之場而邑落之故

丘之字二人立一上一者地也四方高中央下像

形也

爾雅云非人爲之曰丘

地自
然生

天下有名丘

五其三在河南二在河北廣雅曰小陵曰丘方言

曰冢大者謂之丘

箋聖王之利天下其大農桑二者而已史序成功
於冀曰旣作於充曰旣蠶當堯之時水土初平率
天下耕而食織而衣卽冀充之疆自饒辨之亦寧
事東吳之稅稻蘇杭之杼軸哉輓近燕趙齊魯之
區率事媮惰不復問農桑爲何業而西北之水田
空煩規畫東南之織造動費調停蓋緣民間不講
厚生長策而所在地有餘利人有餘閒也余每讀
大東之詩爲之太息 孟子論王政曰樹墻下以
桑孟鄉人也其於蠶桑固所素習宜每向人津津

道之 桑土二句順文說下二土字畧相關蓋桑
土既蠶則土可安居矣是降丘宅土所謂得平土
而居之不必云就桑蠶也 間考山海經云帝女
之桑大五十尺其枝四衢及拾遺記員嶠山有木
名猗桑煎樅以爲蜜有冰蠶長七寸黑色有角有
鱗以霜雪覆之作蠶長一尺其色五彩織爲文錦
入水不濡投火不燎唐堯之世海人獻堯以爲黼
黻斯並近于誕矣 濮州志曰堯之桑濮爲上入
其境蔭蔽阡陌當蠶而治絲帛者比鄰至不相往

還帛成可以衣舉至其餘則質之衛稱抱布貿絲
蓋自昔而已然歟 王綱振曰九州惟兗雍言宅
蓋雍最高兗最下故舉以包餘州兗州水治後歷
數其土可桑可蠶可宅可作備言民生衣食居止
之利此後有單言作單言宅者

厥土黑墳厥草惟繇厥木惟條

傳色黑而墳起

馬云有膏肥也

繇茂條長也

疏九州惟

此州與徐揚言草木者三州偏宜之也宜草木則
地美矣而田非上者爲土下濕故也 陳氏大猷

曰充徐揚居河濟江淮下流水未平則爲下濕於
草木非宜水旣平則爲沃衍於草木尤宜故以三
州言草木

〔箋〕充無高山而平地河患爲甚今且可繼可居而
草木亦因之茂蔚水消而土出害除而利興大河
之濱庶幾稱樂土矣而土色獨黑豈以久受水之
故耶 田汝成曰墳土之大而高者九州惟充青
徐三州稱墳 關鎮志曰西北之風雄以烈其土
燥以墳其產朴以悍東南之風雌以順其土沃以

濕其產靡以從故君子首西北而尾東南

厥田惟中下厥賦貞作十有三載乃同

載馬鄭本作年

傳田第六貞正也

疏周易彖象皆以貞爲正諸

州賦無下下貞卽下下爲第九

金氏謂貞字乃篆書下下字之誤

蘇傳貞正也賦當隨田高下此其正也此州田

中下賦亦中下兗州河患最甚故功後成至于作

十有三載

蔡傳兗賦最薄言君天下者以薄賦

爲正也

陳氏雅言曰洪水之害兗州尤甚故田

雖在第六而其賦比於八州爲最下賦雖在第九

而堯必至十有三載然後同於他州也蓋地利之
美有未闢故田稍高而賦爲至下人工之脩有未
齊故賦旣薄而其入尤後 朱子曰洪水之患意
者只是如今河決之類故禹之用功處多在河所
以於兗州下記作十有三載乃同此言專爲治河
兗州是河患甚處正今之澶衛州也又曰兗州水
患最深作治十三年乃有賦法與他州同按禹治
水八年此言十三載者通始治水八年言之則此
州水平其後他州五年歟 王氏炎曰水患未盡

去則賦難定其等故十三載始較所收而定其賦
之下下州界旣狹又有浸灌之患賦所以最少
朱氏曰貞者隨所卜而後定之名也充地最卑水
患雖平盈虛未卜故必作十有三載歷歷試之按
史記太歲在子早明歲美至卯穰明歲衰惡至午
早明歲美至酉穰明歲衰惡蓋歷十二辰而豐儉
可定始可得其大同之法也

箋充接冀境經賦不宜天淵然充境最狹且迫河
患而土曠產薄宜其懸矣歲星十二年一周爲一

經天道既變地力漸復故以十有三載爲期 鄭氏曉曰以人事言生聚以十年而復以天時言氣化以一紀而周矣今猶緩之至十又三年而後取胡氏贊曰兗州界既狹而又有浸灌之患受病最深生理以漸而復故必遲以十有三載之久疋羸之人倍加調攝僅得同于常人起居耳 王氏樵曰史臣敘兗之成功其文異于他州者有二記桑土一也記賦貞十三載乃同二也皆以河患故也

厥貢漆絲厥篚織文

篚漢書作斐

傳地宜漆林又宜桑蠶織文錦綺之屬盛之篚篚

而貢焉

小爾雅云治絲曰織

疏周禮載師云漆林之征鄭

玄云貢者百功之府受而藏之其實于篚者入於

女工故以貢篚別之漢世陳留襄邑縣置服官使

制作衣服是兗州綾錦美也周禮太宰以九貢

致邦國之用一曰祀貢二曰嬪貢三曰器貢四曰

幣貢五曰材貢六曰貨貢七曰服貢八曰旂貢九

曰物貢鄭玄注嬪貢絲枲器貢銀鐵石磬丹漆也

曰古今注曰漆樹以斧斫其皮開竹管承之汁滴
管中卽成漆 韓子曰舜作食器黑漆其上禹作
祭器黑漆其外朱畫其中 顏師古曰抽引精繭
出緒者曰絲釋文絲蠶所吐也一蠶爲忽十忽爲
絲蠶眠成繭二繰成絲 鄭氏詩箋云季春始蠶
孟夏賣絲 朱子曰貢者諸侯貢天子故畿外八
州皆有貢織文綾羅之屬 九州要記云睢渙之
間出文章天子郊廟御服出焉所謂厥篚織文也
水經云睢渙二水出浪宕 通異記云沮渙二
水波文皆若五色彼人多文章故一名績水

淮南子曰伯余之初作衣綫脉索縷手經指紐其成猶網羅後世爲之機杼勝複以便其用蓋織之始也

伯余皇帝臣世本曰伯余制衣裳

神農之法曰丈夫丁壯

而不耕天下有受其饑者婦人當年而不織天下有受其寒者顏師古曰錦織綵爲文也繡刺綵

爲文也林氏曰八州之貢充雍最寡荆揚最多

箋按充厥木惟條故貢漆桑土旣蠶故貢綵而織文又綵所成者篚而入貢以示敬凡幣帛之屬皆盛以篚而球琳不與焉或謂精者入篚非也禹制

賁皆服食器用斯稱惟正之供者乎 記稱舜作
漆器諫者十餘人則漆非聖世所尚矣而充豫並
貢漆何爲蓋世漸遠於茅茨而踵美增華宗廟宮
室有宜于增飾者卽聖人不廢也但不欲過爲繁
縟如丹楹刻桷春秋且刺譏矣織文織貝並入篚
貢以備服物采章之用山龍華蟲帝以彰采世運
曷嘗不日趨于文哉

浮于濟潔達于河

傳順流曰浮濟潔兩水名因水入水曰達

疏地

理志云漯水出東郡東武陽縣至樂安千乘縣入

海此云浮于濟漯達于河從漯入濟自濟入河

正義

云濟漯二水上承黃河

並淄青之北流入海

水經曰浮水故瀆東北

入東武陽東入河漯水出焉漯水東北逕清河縣

故城北又東北逕文鄉城東南又東北逕博平縣

右與黃溝同注川澤黃溝又東北逕左與漯水隱

覆勢鎮河陸東出於高唐縣大河右逕東注漯水

矣漯水又逕高唐縣故城東又東北逕漯陰縣又

東逕鄒平縣故城北又東北逕千乘縣

桑欽地理志曰漯水

出高唐今漯河在高唐州西二里卽黃河支流見
東昌府志羅泌曰漯自濟派至東武陽入河今莘
北縣

伏琛曰千乘城齊城西北一百五十里隔會
水卽漯水之別名風俗記曰漯水東北至千乘入
海河盛則通津委海水耗則微涓絕流書浮于濟
漯亦是水也 唐高宗問許敬宗書稱浮于濟漯
今濟與漯絕不相屬何故而然敬宗曰禹導沈水
東流爲濟入于河今自漯至溫而入河水自此決
流過河而南出爲滎古者水官能辨味與色潛而
出合而分皆能識之

〔箋〕濟入河而南出漯則河之支流也二水皆與河
通充之貢賦浮濟浮漯各從其便達河卽達帝都
矣孟子曰淪濟漯而注諸海蓋此水歟 鄭氏曉
曰濟自河南滎澤縣伏于地中歷鄭州中牟祥符
陳留杞縣歸德北抵山東至定陶方出去河數百
里方能達河 王氏樵曰漯爲河之支流史記禹
釀二渠引河其一漯也西漢末河併行漯川其後
河徙而漯亦不復存矣或曰漯卽濟水泛溢湍漯
無涯因名曰漯二水東北與汶合流而入于海

大明一統志曰漯河在章丘縣東北七里源出長
白山西北流入小清河小清河一名濼水卽濟之
南源 山東名勝志曰濟河從長清縣東北界分
流入濼水穆天子傳天子東征釣于濼水此也圖
經濼河發源頓丘出東武陽縣經博平至州境

考兗州今爲郡而河濟爲運道所經時苦旁決乃
蠶桑之利不及吳會遠甚而織文不列貢篚亦久
矣唯是民貧賦薄如故撫今追昔爲低回不置云

禹貢滙疏卷三

吳興茅瑞徵纂并箋

男

亂京
亂武

全詩

海岱惟青州

傳東北據海西南距岱

岱泰
山也

疏海非可越而言

據者東萊東境浮海入海曲之間青州之境非至
海畔而已漢末有公孫度竊據遼東自號青州刺
史越海收東萊諸郡羌時青州當越海而有遼東
舜爲十二州分青州爲營州卽遼東也 風俗通
曰泰山一曰岱宗岱始也宗長也萬物之始陰陽

交代故爲五岳長王者受命恒封禪之

白虎通曰萬物相代

於東方

十五經通義云岱宗言王者受命易姓報功

告成必於岱宗也史記泰山之陽則魯其陰則齊

應劭曰雲觸石而出膚寸而合不崇朝而徧雨

天下其惟泰山乎

司馬遷曰齊自泰山屬之琅

琊北被于海膏壤二千里洋洋乎固大國之風也

晉地理志青州蓋取上居少陽其色爲青故名

金氏曰青州于中國爲正東故名從東方之色

岱起東方爲中國水口表鎮連延而生諸山北卽

原山澼水出其西淄水出其東東卽蒙艾爲沂水
諸源又東澼山澼水所出西南卽泗水所出

周禮職方氏正東曰青州其山鎮曰沂山其澤藪
曰望諸其川淮泗其浸沂沐其利蒲魚其民二男
一女其畜宜雞狗其穀宜稻麥

詩譜齊古少皞

之世爽鳩氏之墟周封呂望於齊都營丘

孫瑛曰
今營丘

淄水過其南及東以丘臨水謂之臨淄
漢書地理志云臨淄縣師尚父所封也

成王時齊

受上公更方五百里其封域東至于海西至于河
南至于穆陵北至于無棣 齊乘曰武王克商封

太公于齊未得薄姑之地成王時薄姑與四國作
亂滅之益封太公遂有全齊漢志曰齊所以爲齊
以天齊也蓋臨淄有天齊淵以此建國命名耳蘇
秦曰齊南有泰山東有瑯琊西有清河北有渤海
四塞之國也元和郡縣志曰舜時以青州越海
遼遠分爲營州武王封師尚父於齊營丘今昌樂縣後
爲秦所滅置齊瑯琊二郡漢爲臨淄郡杜佑曰
青州之界從岱山東歷密州東北歷海曲萊州越
海分遼東樂浪三韓之地西抵遼水也周以徐州

合青州其土益大在天官虛危則齊之分野秦置
郡爲齊郡瑯琊之東境遼東項羽以其地爲國曰
膠東齊濟北漢武置十三州爲青州後漢晉魏因
之漢地理志齊有淄川東萊瑯琊高密膠東南
有泰山城陽北有千乘清河以南勃海之高樂高
城重合陽信西有濟南平原皆齊分臨淄海岱之
間一都會也其中具五民云

後漢郡國志青州

刺史部郡國六濟南平原樂安北海東萊齊國

馬端臨曰漢時爲郡國十二郡則北海濟南齊瑯

瑯東萊遼東樂浪玄菟國則高密膠東淄川城陽

唐地理志河南道古青州域青淄密登萊齊爲

玄枵分河南採訪使領之杜佑曰古青州唐爲

河南道北海青濟南齊淄川淄東萊萊高密密東

牟登諸郡河北道則安東府宋爲京東東路濟

南府青淄濰萊登密六州馬端臨曰宋分青州

爲青冀二州青領郡九理臨淄冀領郡九理歷城

今濟南郡縣

班固配十二次自須女八度至危十五度爲玄枵

於辰在子齊之分野屬青州

費直起女六度
蔡邕起女二度

陳

卓京房張衡並云虛危齊青州

春秋元命苞曰

虛危之精流爲青州分爲齊國立爲萊山

武夷熊氏曰遼東朝鮮等處皆青州境其地曠隔
故分爲營州青齊乃東方形勝要害之地世號爲
東西秦秦得百二齊亦得十二蓋可見矣大抵齊
地最富強近利

箋青州枕海據岱自饒鑄山煮海之利而形勝亦
最號扼險 國初遼東一鎮原附山東省遼士入

試並附籍焉尋以不便改隸京師然登州海道

固相屬也考一統志古青州爲今山東省濟南

青州

漢北海郡

登州

古斟尋國

萊州

春秋萊子國齊遷國之東曰東萊

四府

其遼東都司爲冀青二州域

舜分青東北爲營州卽今廣寧以東地秦

以營州爲遼東郡

鄭氏曉曰今山東青登萊三府濟南

所屬歷城章丘鄒平淄川長山新城濟東濟陽及

遼東之遼水以東遼陽一路是青州府志曰今

青州屬縣諸城東南近海太公四履所謂東至於

海是也樂安壽光北岸海則漢書所謂北海也古

稱曰小海本謂之渤海亦謂之渤解海別枝名也
齊乘云太行恒嶽北微之山循塞東入朝鮮海限
塞山有此一曲北自平州碣石南至登州沙門島
是謂渤海之口濶五百里西入直沽幾千里焉今
沙門島對岸之鐵山正當渤海之口以是知沙門
大海以西皆爲青州北海云 大明一統志曰登
州四面皆海惟西南一隅地接萊州府城北去海
五里春夏時遙見水面有城郭市肆人馬往來若
交易狀土人謂之海市 陸鉉曰山東三面瀕海

登萊二府島嶼環抱其在青濟則樂安日照濱州
利津霑化海豐諸境皆抵海爲界稱渤海云說文
曰東海之別有渤海故稱渤海列子曰渤海之東
有大壑名曰歸墟歸墟者卽所謂尾閭也夫東方
之極自碣石通朝鮮諸國直抵扶桑一望無際外
控夷落內衛中夏則山東形勢實稱險絕

嶠夷旣畧

傳嶠夷地名用功少曰畧

疏嶠夷卽堯典宅嶠

夷畧是簡易之義

羅泌曰嶠夷在遼西今文書
及帝命驗作畧鐵一作嶠鐵

齊乘曰寧海州爲禹貢嵎夷 左傳云天子經畧

諸侯正封古之制也封畧之內何非君土

又云封畛土畧

杜氏註畧界也魏了翁云畧字從田從各謂王畧封畧有界限分明

箋按嵎夷今登州所轄蔡傳經畧爲之封畛只是

水去而其地已畧可整頓封植以正疆界開畛以

墾田畝 楊慎曰左傳經畧注聚土爲封曰畧經

謂巡行畧謂邊界書云嵎夷旣畧謂立邊防以界

嵎夷正天子經畧之事也孟子曰此其大畧也畧

字本喻言謂得其邊而未盡其中 王氏樵曰他

州皆先水而後土此以嶠夷爲青州邊界之地無預于淄濰故先言之

濰淄其道

〔傳〕濰淄二水復其故道

〔疏〕地理志云濰水出琅

邪箕屋山北至都昌縣入海淄水出泰山萊蕪縣

原山東北至千乘博昌縣入海

水經注曰淄水出萊蕪縣西南山下

世謂之原泉

括地志云密州莒縣山濰水所出淄州

淄川縣東北原山淄水所出俗傳禹理水功畢土

石黑數里之中波若漆故謂之淄水也

今淄水流經臨淄

都壽光界入濟水見山東通志又青州府志云濰水東北逕諸城高密又西北至安丘合汶水北至昌邑入于海漢志濰作淮今俗名一曰淮河

齊乘曰水經云濰水出

琅邪箕縣濰山許慎云箕屋山淮南子云覆舟山

實一山也在莒州莒縣北百里古人堰濰水以溉

田淄水按地志水黑爲淄出今益都縣東南二十

五里岳陽山東麓地名泉河古萊蕪地岳陽卽原

山也東北流逕萊蕪谷又北漸臨淄東城又東北

逕樂安縣又北入巨淀

今清水泊

又北出注馬車瀆入

海淄多伏流俗謂上下有十八漏林氏曰河濟

下流充受之淮下流徐受之江漢下流揚受之青
雖近海然不當衆流之衝但濰淄二水順其故道
則其功畢矣

箋青州先土後水與他州異以青受水患最淺地
平不盡由水治也 山東名勝志曰古臨淄城卽
齊城也淄水在城南澠水在城北易牙別二水之
味卽此 鄭氏曉曰青之西南雖距岱而無羣山
之險故嶠夷畧而瑯琊左右皆樂土東北雖至海
而非橫流之衝故濰淄道而濟汶上下皆安流青

視他州施功爲甚易而成功爲甚速也

厥土白墳海濱廣斥

漢書作瀉

傳濱涯也言復其斥鹵

鄭云斥謂地鹹鹵

疏說文云鹵

鹹地也東方謂之斥西方謂之鹵海畔迥濶地皆

斥鹵故云廣斥言水害除復舊性也 方言云青

幽之間凡土高且大者謂之墳 顏師古曰鹽生

於鹹水者也古者風沙氏初煮海爲鹽其後又出

河東大鹵臨邛火井焉今則處處有之 王達曰

水味鹹水性然也而海水獨苦鹹蓋亢極而反之

義也水極則反火乃爲鹹苦然遇土而煎熬爲鹽

則純鹹矣是藉土以制其太過遂復本性云

聚海集

林氏曰此州土有二種平地之土色白而性墳
海濱之土彌望皆斥鹵

箋州境邊海者三而青土獨別舉海濱以鹽利早
開故特標土產爲貢鹽志其始也

厥田惟上下厥賦中上

傳田第三賦第四

厥貢鹽絺海物惟錯岱畎絳臯鉛松怪石萊夷作牧

厥匪廩綵

史記作
禽綵

周禮鹽人掌鹽之政令以共百事之鹽祭祀共其

苦鹽

不煉
治者

散鹽

煮水
爲之

賓客共其形鹽

形象
似虎

散鹽王

之膳羞共飴鹽

今戎
鹽

齊語桓公通齊國之魚鹽

於東萊使關市幾而不征諸侯稱廣焉管子曰

海王之國謹正鹽筴又曰楚有汝漢之黃金而齊

有渠展

地名

之鹽燕有遼東之煮此陰王之國也

呂祖謙曰三代之時鹽雖入貢與民共之自管仲

始興鹽筴以奪民利漢興除山澤之禁至孔僅桑

弘羊祖管仲之法鹽始禁榷昭帝召賢良文學論
民疾苦請罷鹽鐵弘羊反覆論難不能廢元帝雖
暫罷以用不足復建自此之後禁榷與古今相爲
終始 史記貨殖傳云山東食海鹽山西食鹽鹵
嶺南沙北往往出鹽 宋史食貨志鹽類有二引
池而成者曰潁鹽周官所謂鹽鹽也鶩海鶩井鶩
鹹而成者曰末鹽周官所謂散鹽也解州解縣安
邑兩池墾地爲畦引池水沃之謂之種鹽水耗則
鹽成藉民力爲畦夫歲二月一日墾畦四月始種

八月乃止安邑池歲種鹽千席 方勺曰水性以
潤下爲鹹其勢不曲折則終不可成鹽安邑鹽池
以濁河曲折故因終南山南風以成若明越溫杭
秀泰滄等州爲海水隈奧曲折故可成鹽其數亦
不等唯隩奧多處則鹽多 沈括曰鹽品至多今
公私通行者四種一者末鹽海鹽也河北京東淮
南兩浙江南東西荆湖南北福建廣南東西十一
路食之其次潁鹽解州鹽澤及晉絳路澤所出京
畿南京京西陝西河東振劍等處食之又次井鹽

鑿井取之益梓利夔四路食之又次崖鹽生於土崖之間階成鳳等州食之唯陝西路鹽有定課大約歲入二千餘萬緡唯末鹽供河北邊糴其他皆給本處經費而已緣邊糴買仰給於度支者河北則海末鹽河東陝西則潁鹽 段成式曰昆吾陸鹽周十餘里無水自生末鹽月滿則如積雪味甘月虧則如薄霜味苦月盡則全盡 鄭公虔云琴湖池桃花鹽色如桃花隨月盈縮在張掖西北按鹽有赤鹽紫鹽黑鹽青鹽黃鹽亦有如虎如印如

繳如石如水精狀者

宋史食貨志唐第五琦爲

鹽鐵使變鹽法劉晏代之當時舉天下鹽利歲纔四十萬緡至大曆增至六百餘萬緡天下之賦鹽利居半元祐間淮鹽與解池等歲四百萬緡比唐舉天下之賦已三分之二紹興末年以來泰州海寧一監三十餘席爲鈔六七百萬緡則是一州之數過唐舉天下之數矣

傳 絺細葛錯雜非一種

鄭玄曰海魚種類尤雜

蘇傳 魚鰕

之類小爾雅曰葛之精者曰絺麤者曰綌 周禮

掌葛掌以時徵絺綌之材于山農

傳畎谷也怪異好石似王者岱山之谷出此五物皆貢之

疏釋水云水注川曰谿注谿曰谷谷是

兩山之間流水之道畎去水故言谷泉麻也

有子日泉

無子日荒

周禮大宰九職七曰嬪婦化治絲枲

賈

公彥典泉疏云案喪服傳牡麻者泉麻也則泉是

雄麻對苴是麻之有菁實者 鹽鐵論曰古者庶

人耄老而後衣絲其餘則麻枲而已故命曰布衣

及其後則絲枲枲表 說文鉛青金也錫之類能

殺蟲毒錫銀色而鉛質也古稱鉛爲黑錫 博物志曰石者金之根甲石流精以生水水生木木令火又曰土山多雲鐵山多石 物理論云土精爲石石者氣之核也氣之生石猶人筋絡之生爪牙也又地以石爲骨

傳萊夷地名可以放牧

蘇傳春秋夾谷之會萊

人以兵劫魯侯以是知古者東萊之有夷海水患除始芻牧也爾雅縻桑山桑惟東萊出此縻以縻縉堅韌異常萊人謂之山蠶萊夷作牧而後有此

故書篚在牧之後 章俊卿曰上古牧養之盛在

於海岱之間故禹貢獨稱萊夷作牧今登萊之間

是也

按地理志黃縣有萊山

傳歷桑蠶絲中琴瑟弦

疏

歷山桑郭璞曰柘屬歷絲是蠶食歷桑所得絲鞞

中琴瑟弦也

今萊有歷絲繭生山桑不浴不飼土人取爲繒帛尤堅韌雖敝爾雅註歷

似桑材中作弓及車轆詩疏歷材中爲弓冬官考工記云弓人取幹柘爲上歷桑次之

朱

子曰萊夷及揚之島夷間於貢篚之間意時貢土

物以見來王之意歟 孫氏曰歷絲出於萊夷玄

綯出於淮夷織貝出於島夷故青楊徐敍厥篚於

三夷之下

今按青揚徐序厥篚並與厥貢對指通
州言縑絲之貢雖出東萊實附通州貢

內非萊夷
以此貢也

蔡氏元度曰貢物不以精麗爲敘而

以多寡爲敘青州鹽居多故敘於先他倣此 林

氏曰凡貢不言所出以一州所出皆可貢也言所

出者以此地所出爲良也

箋今考青州鹽利不及兩淮海錯不及閩粵絲枲

不及三吳怪石不及徐礪蓋自三代而下利孔日

開所在出奇無窮貢額絕異將山川物產亦多遞

變也 鹽貢始見於青遂開煮海富齊之端鹽斥

地所出古者鹽人掌其政令而已自太公始通魚鹽而管仲遂用鹽策霸齊然亦止青齊一隅耳乃漢世桑弘羊孔僅之徒推其法天下而權利日盛至唐第五琦始榷鹽以佐軍用劉晏益增其課於江淮而沿至今日兩淮鹽引踰七十萬浙次之河東又次之東省反出其下遠甚閩廣滇蜀無地不榷鹽鹽亦不必盡出於海歲額幾同正賦自開中改爲納價而常股存積之法並壞餘鹽行而正鹽壅私鹽熾而官鹽滯邊商內商守支坐困而鹽政

亦日敝矣 余嘗過岱所稱秦松封五大夫者今
非復故種而泰安州東嶽祠漢柏頗離奇偉特當
是千百年物石亦森列左右多異質豈所稱惟石
者與 王者不尚琛惟而惟石入貢豈聊供耳目
清玩乎艮嶽花石固炫奇之濫觴耳 按絲之貢
專言兖州而青州則貢於岱畎又壓絲入筐皆今
山東境內也史稱齊俗侈織作冰紈綺綉純麗之
物號爲冠帶衣履天下而魯地頗有桑麻之業蓋
是時絲利遍於齊魯間今獨湖絲最著而山東以

鹽絀特聞本出山蠶尚存廉絲之遺意云 馬理

曰伏羲氏教佃漁豢養和以池鹽民始獲肉食焉

神農氏教民稼穡和以海鹽民始獲穀食焉

陝西舊志

丘氏濬曰宋端拱二年置折中倉聽商人輸粟

京師優其直給江淮鹽此後世召商中鹽之始我

朝於天下產鹽之地設轉運司者六提舉司者七

鹽課各有定額行鹽各有地方不許過界每引以

三百觔爲袋帶耗五觔凡遇開中鹽糧量所在米

價貴賤及道路遠近險易定例出榜召商中納

聖祖以來鹽司每歲收貯歲課存積在官各商執引
照支各有次第謂之常股鹽近因邊儲急用增直
召商中納不依資次人到卽與支給謂之存積鹽
存積旣興常股遂歉 鄭氏曉曰國初召商中鹽
量納糧料實邊不煩轉運而食自足謂之飛輓後
因積納數多價值亦賤興利之臣遂改議上納折
色行之旣久習以爲常彼時改折糧料有餘而價
亦賤計似所入爲有贏利未爲不可近來糧料不
足價亦騰貴徒煩轉糴邊用索矣 王氏樵曰漢

時齊有三服官又稱織作冰紈綺綉冰謂布帛之
細其色鮮潔如水紈素也禹時貢絺其亦此類也
夫海物有關服食器用者其種非一故以惟錯總
之今人所謂海錯非怪奇耳目之玩則魚蛤疏甲
之微非古人之意也然海錯今盛于嶺粵而海岱
則微鹽利今盛于淮滄而海岱亦不逮矣 秦繼
宗曰海物惟錯錯字當與上上錯錯字意同此句
與上一句相關蓋鹽絺常貢也海物不可常得則
錯雜于鹽絺之間而問一貢之耳 胡氏墳曰泰

山之谷有此五種美于他方故以制貢北土無松
秦封五大夫徂徠之松亦與岱相望則岱畎之產
可知惟石如文登之文石徐州之礪石物產自奇
然亦取爲器用非如宋之花石綱也

浮于汶達于濟

〔疏〕地理志云汶水出泰山萊蕪縣原山西南入濟

蔡傳淄水出原山之陰東北入
海汶水出原山之陽西南入濟

水經曰汶水出

原山西南過羸縣南又東南過奉高縣北又西南
過壽張縣北又西南至安民亭入于濟酈道元注

汶水自桃鄉四分謂之四汶口又西南合爲一

曹氏曰汶水許氏以爲出琅琊朱虛縣東泰山

淮南

聖形訓汶出弗其流合于濟
注弗其山在北海朱虛縣東

東至安丘入濰桑欽

以爲出泰山萊蕪縣原山西南入濟班孟堅兩存

其說閔子騫曰吾必在汶上矣說者王桑欽義以

爲汶在齊南魯北在汶上者欲北如齊也 曾氏

曰汶水有二出萊蕪縣原山入濟者徐州之汶也

出朱虛泰山北又東南入濰者青州之汶也

董氏曰出

萊蕪者今須城之汶是出朱虛
者今濰之東南有大汶小汶是

齊乘曰入濟之

汶見禹貢論語之汶上書傳謂之北汶卽今大清

河入濰之汶見漢書入沂之汶見水經齊有三汶

清河爲大

述征記泰山郡水皆名汶有北汶麻汶柴汶牟汶皆源別流同又在三汶之外

又曰大清河

古濟今汶

水經註濟枯渠注巨野澤澤北

則清水巨野今梁山泊也北出爲清河

濟水出陶丘北南瀆

被孟豬北瀆注巨野至王莽時枯竭所謂濟枯渠注巨野者也其自巨野北出至四瀆津與河合流者乃齊之清河古自壽張縣安民亭

亭北對安民山今日安山

合汶水

汶出泰安萊蕪縣原山之陽水經謂之北汶西南

逕徂徠山陰又西逕泰山之陽漢武明堂遺跡臨

水謂之石汶又西逕汶上縣北又西逕東平城南
其西卽安山閘閘下河口有古安民亭遺趾清濟
與汶合處今開清水南導任城則清濟不入汶汶
自行古清河矣汶水又北逕漁水東卽瓠子歌之
吾山有安山東有漢隄遺跡自西而東屬之麓山
西曹子建冢山東漢黃河故渠又北逕陽穀縣西
流水合狼水入焉又東北逕東阿縣道元云縣東
北有清亭春秋隱四年遇于清以河得名也又東
北逕平陰縣又北逕巫山齊侯登以望晉師者清

水過此古爲涓湖又東北逕齊河縣南沙溝水出

山荏平縣南來入焉

今肥城縣東南有沙溝鎮

又北逕上灤橋

北灤水分響河入焉

古名聽水

又東北逕華不注山陰

又東逕下灤堰灤水舊入濟處堰南卽小清河又

北逕臨邑縣又北逕齊東縣又東北逕蒲臺高苑

又北逕利津縣城東又東北入于海 水經注曰

汶出牟縣故城西南阜下俗謂之胡盧堆淮南子

曰汶出弗其高誘曰山名或斯阜也牟縣故城在

東北古牟國俗謂是水爲牟汶也又西南逕奉高

縣故城而西南流注于汶汶水又南右合北汶水
出分水谿東南流逕太山東右天門下谿水東流
逕龜陰又合環水東南流逕南明堂下漢武帝作
明堂於汶水古引水爲壁雍處基瀆存焉世謂此
水爲石汶汶水又西南流逕徂徠山南逕博縣故
城東又西南逕陽關故城西又南左會淄水又西
南逕柴縣故城北世謂之柴汶矣

潞水出潞山東
北入滎說文言

水山靈門山
世謂之潞汶

蘇傳諸州之未皆記入河水道以堯都在冀而河

行於冀也雖不言河濟固達河也 余闕曰北者
河北破金堤踰豐沛曹鄆諸郡大受其害或者以
爲當築堤起曹南訖嘉祥東西三百里以障河之
北流則漸可圖以導之使南以爲河北則會通之
漕廢其係甚重余則以爲河北而會通之漕不廢
何也漕以汶而不以河也河北則汶自彭城以下
必微微則吾有制而相之亦可以舟以漕書所謂
浮于汶達于河者是也

箋間按 國朝轉漕山東一路全倚汶水濟運禹

貢所謂浮汶達濟今日正倣其法而顓用之 胡
氏瓚曰自河南徙而濟水中枯止汶水北流今過
之南接淮泗北通漳衛以濟漕所謂會通河也張
秋北有鹽河通會城是浮汶之故道 王氏樵曰
青州有濰淄二水不通河惟汶入涉可以達河濰
去汶遠惟淄與汶俱出原山而貢道由汶者入涉
故也 大明一統志曰濟河在汶上縣北一名大
清河禹貢濟水東北會于汶今濟伏流不見惟汶
水由濟河以入海又云泰山之傍有仙臺嶺汶水

發源于此西南流與徂徠山陽小汶水合又西南
流注洸河入濟 徐州洪志曰汶河一出萊蕪縣
原山之陽一出萊蕪縣界寨子村一出泰山之陰
仙臺嶺俱名汶水至靜封鎮合流經泰安州寧陽
縣分爲二支一支自東平州戴村鎮西南流至汶
上縣會白馬河鵝河凡八十里出分水河口南流
經嘉祥鉅野凡一百里至濟寧州城南天井關東
與泗沂二水合流而南一支自寧陽縣堽城壩西
南流別名洸河經滋陽濟寧之境合泗沂二水凡

一百餘里至濟寧州城南天井闌東合分水河口
流來汶水又南流經鄒縣魚臺沛縣凡四百十里
至徐州合沁水東南入于淮

宋樂史謂東平濟南淄川北海界中有水流入海
謂之清河今按濟水在漢時伏流不見惟汶水自
泰安州出者由故道東北流入海自元人引汶入
洸爲運河 國朝因之凡汶水入海處皆築堰壩
以遏其流入海之道遂多湮塞今所謂大清河
乃汶水出洸河者復從張秋分流而入會齊東南

諸山泉溝澤北經長清齊河至歷城會漯水經濟
陽齊東武定青城濱州蒲臺利津諸州縣界入海
實濟河之故道也

汶水泰安州山出故道自寧陽界西南流至汶上縣北泗汶村

至東平州南西北流入東阿縣界又東北經長清
齊河歷城濟陽齊東武定青城濱州蒲臺利津等
州縣入海自元時於寧陽縣東築堽城壩遏汶水
入洸以通運河 國朝永樂間又於東平州東築
戴村壩盡遏汶水入會通河於是入海之道多塞
汶水既入運河者又從張秋分流復由故道會諸
州縣溝泉之水合

所謂小清河卽漯水發源濟南

趵突諸泉至城北大明湖出而合之由華不注山
下東流會巨合水又東經章丘會清河又會漯河

三水合流經鄒平長山新城又會孝婦河又東經

高苑入博興樂安界合於烏河又北至馬車瀆入

海

俗名鹽河海場鹽舟由此南上

或云古濼水自華不注山東北

入爲大清河僞齊劉豫導之東行始爲小清河云

山東通志

續博物志云濟水東北濼水出焉濼

水出歷縣舊水涌若輪齊侯會于濼是也此卽小

清河

東阿縣志曰大清河者故濟瀆也考水經

濟水至乘氏分而爲二其東北流者過壽張縣西

界安民亭南汶水從東北來注之汶水出泰山萊

蕪縣原山西南至安民亭入於齊二水合流又北

過須昌縣西又東北過魚山東左會馬頰水馬頰
者濟之支津也又北逕清亭東又北逕穀城縣西
又北逕臨邑縣東臨邑者王莽謂之穀城亭又北
逕平陰盧縣西又東北灤水出焉灤水者濟南鈞
突泉也謂之小清河濟水伏流至是出與大清合
皆謂之濟蓋大清爲濟正瀆挾汶入海故漢以前
不謂之汶而謂之濟杜佑曰濟水自王莽末渠涸
不復截河過今東平濟南界中有水流入海謂之
清河實蒗澤汶水合流因舊名稱濟非濟水也至

漢以來汶所由道則自岡城西南流至汶上之北
四汶口又西北流過東阿縣西又東北流五百里
入於海至元二十年開濟州河渠遏汶入洸至任
城會源開而分會源開者今濟寧天井閘也會源
閘之水分而北流者至須城之安民山入清濟故
瀆由東阿之戴家廟西旺湖薛家橋入於大清河
以通海運而其上流出東平界者但言其北流入
海而不著所由當亦入濟故瀆矣其後開會通河
自安民山達於臨清而汶水始會於漳不由濟瀆

入海故元初海運謂之引汶入濟濟者濟故道也
其後開會通河謂之引汶絕濟絕者濟爲漕河所
遏不得東也而大清河自漢以來不謂之濟而謂
之汶矣及考今河流其源出東平北蘆山之陽謂
之蘆泉合東山諸泉水西南流逕東平城北而坎
河水從南來會之坎河者汶之下流也 國初開
元故會通河於坎河之南築戴村壩以遏汶水北
流之道使南入於運然每秋水泛溢決戴村壩而
西至東平城南又折而西北入於大清河歷邑境

之西南流至魚山南龐家口小鹽河水從西來注之小鹽河者運河所出汶支流也汶水由戴村壩南流逕汶上之北至南旺而分其分而北者由沙灣五空橋洩之而東與黑龍潭水合流至龐家口而入大清河也大清河又北逕魚山西又北逕舊城西龍溪水從南來注之又東北逕艾山滑口而入平陰境又東北由長清齊河過濟南之北至利津入海也春夏旱膜坎河水西來者少則蘆泉諸水獨行大清之渠以會沙灣諸流故今所謂大清

河者第得汶之首尾而實以東平諸泉由濟故清入海蓋亦不得專謂之汶矣海上諸鬻鹽者至濼口放關由大清河而上泊於魚山又南則由河渠至於東平西則由小鹽河至於張秋故大清河謂之鹽河

朱初都汴京東之粟歷曹濟及鄆入五丈渠至京師真宗時京東分廣濟河由定陶至徐州入清河歷呂梁灘磧之險至理宗時於堽城作斗門以遏汶流益泗漕以餉邊衆而漕渠開矣元初開濟州

泗河至新開河由大清利津諸河入海旣而海口

沙壅復從東阿陸輓至臨清入御河又開膠萊新

河以通海道勞費不貲伯顏始創海運與濟州河

並行未幾又用韓仲暉等言自安民山開河北抵

臨清引汶絕濟直屬漳御名會通河夫汶水自古

東北入海以智力導引使南接淮泗北通白衛實

自元人始然河渠淺澁舟不負重歲運不過數十

萬石終元之世海運不能廢也 國初給餉遼卒

海運如故永樂徙都于北亦嘗行之後尚書宋禮

等復濬會通河於是漕利通而海運罷膠萊故道

亦遂湮廢

山東通志

于慎行漕渠圖說曰汶水由東

平北流合北濟故瀆以入于海泗水由曲阜南流

合南濟故瀆以入于淮此水經故道也自元憲宗

七年濟倖畢輔國始于汶水之陰置城之左作斗

門一所遏汶南流至任城入泗以餉宿衛戍邊之

衆謂之引汶入濟此堽城壩所由始也世祖至元

二十年以江淮水運不通自任城開渠達於安山

凡百五十里

爲一腴於奉符

卽堽城壩

以導汶水入洸爲一

隄於兗州

卽金口壩

以遏泗水會洸合而至任城會源

隄南北分流此天井闢所由始也二十六年又用

壽張尹韓仲暉言復自安山西南開河由壽張西

北至東昌臨清直屬御漳

凡二百五十里建隄三十有一

謂之引

汶絕濟此會通河所由始也國初河決原武會

通河塞永樂九年命尚書宋禮等濬其故道

自濟寧至

臨清三百八十五里

遇汶水全流南出汶上之西

築壩于東平戴村橫

亘五里遇汶水入海之路

入於南旺分而爲二六分北流以達

御漳

入海

四分南流以接沂泗

淮

此南旺所由分也

北舊河北徙幾二十里又於戴村北留坎河口溢
則決之以入海湖則塞之以濟運由是汶水下復
入泲而會然當會通初開未受河患行之百年安
通河復矣

流無警至正統景泰以後河往往決祚符黃陵諸

口橫貫張秋運渠東流入海而運受河患於北於

是徐有貞

由張秋西岸達於
作口謂之廣運渠

劉大夏

築黃陵岡隄
以治上流旋

於張秋兩岸塞決口九十餘丈又于舊決之南
爲減水石壩以蓄洩漕渠之水改名安平鎮相

繼築塞此張秋決河所由平也正德嘉靖以後往

往決曹單諸口直貫魚臺塌場口東南入淮而運

受河患於南於是盛應期朱衡相繼治之遂於昭

陽湖東岸

夏鎮至
留城

開渠百四十里以避河水之險

而運道始安此夏鎮新河所由成也總之漕在東
省出入郡境十居其七而沂泗汶洸諸水挾百八
十泉之流互相輸轉以入於運 國家金口之堰

脩而泗水盡入於漕戴村之堰脩而汶水盡入于

漕張秋之功成而河之北決塞夏鎮之功成而河

之南道徙故漕之利在汶與泗其要害在河可坐

而策也

按汶水西流其勢甚大而元人於濟寧分
水過汶於鹽城非其地矣每遇水發西奔

坎河洸流蓋徵運道或壅故元時曾通戴漕不過
數十萬至本朝於戴村過汶南旺分水而汶始

以全流
濟運矣

程敏政曰泗沂洗汶之水畢會于濟寧而分流于

南北

汶之支爲洗泗之
合爲沂見兗志

劉夢陽曰汶水發源于

泰山諸泉至汶上縣南旺湖之口南北分流爲漕

河南至徐沛合河沁以入淮北至臨清會衛河以

達海泉微流澁故建閘當縮而節用之臨清閘北

流之裔尤要焉過是則衛河承之無留行矣

兗州府志

曰臨清而北衛水之流盛徐沛而南河水之流盛
惟自臨清南歷張秋南旺濟寧以至茶城數百里
賴汶泗沂洗諸泉之水以
濟此會通河所由開也

潘季馴曰山東泉源屬濟兗二府一十六州縣共一百八十泉分爲五派以濟運道新泰萊蕪泰安肥城東平平陰汶上蒙陰之西寧陽之北九州縣之泉俱入南旺分流其功最多關係最重是爲分水派也泗水曲阜滋陽寧陽迤南四縣之泉俱入濟寧關係亦大是爲天井派也鄒縣濟寧魚臺嶧縣之西曲阜之北五州縣之泉俱入魯橋是爲魯橋派也滕縣諸泉近入獨山呂孟等湖以達新河是爲新河派也又沂水蒙陰諸泉與嶧縣許池泉

俱入邳州徐呂而下黃河經行無藉于此是爲邳
州派也酌其緩急則分水天井管橋之派均屬漕
河命脉 王氏樵曰 國初漕運原不資于黃河
有山東諸泉爲之命脉然今漕輓之道南自淮陰
北抵海口道路三千餘里而山東泉水之通運河
者不過汶泗諸流耳當黃河之未南徙也以汶泗
諸流濟三千餘里而未嘗不足及河之決而入運
河也不憂其泛濫則虞其淤塞雖有山東諸泉不
復爲運河之利何也蓋黃河未來之時運道命脉

全在諸泉故當時建閘築堰以節宣之尺寸之水
盡爲漕用黃河旣來而運道不資于泉故泉政日
弛泉流日微或爲豪強侵占或爲砂礫阻塞譬猶
人身精神愛養則常盈耗散則隨竭無足怪也

黃承玄曰會通河以汶泗爲源今所受者獨一汶
耳元人用汶而未能收全汶之用國初全用汶而
未能全收汶之利故時引黃濟漕延盜入室沙灣
張秋之決貽患幾數十年自黃陵之功成而河水
涓滴不入於漕迄今百有餘年一水盈盈若行堂

與則獨資全汶之利也 鹿園萬表論曰漕河本不用黃河之水惟用洸汶沂泗諸泉足以濟之渡淮而西皆是清水故名清河正統十三年黃河決滎陽至陽穀入漕河潰沙灣以達于海景泰四年徐有貞塞治之乃分流自蘭陽東至徐入漕河以疏殺之而黃河始合于漕然黃流尚微至正德六年水勢方盛行浸漫而衝洗之矣先是黃河未衝之時自淮達濟一路隄防正恐黃河衝入爲害今徐洪以下一向反用黃河之水而忘其故及水不

二ノ三
東則用工挑濬以引之此所謂以病爲藥也

考古青州控制海岱如登萊濟南皆其域也齊通
魚鹽富饒甲於海內今青州尚號爲雄郡而利權
物產遠不逮古自遼左淪爲左衽而登萊勢切震
鄰兼有防海之師悉索敝賦東土騷然苦煩費矣